

## **Kaedah Pelupusan Teks Al-Quran dan Bahan Terbitan Al-Quran**

### *Methods of Disposal of Quranic Texts and Quranic Publications*

**Latifah Abdul Majid**

Universiti Kebangsaan Malaysia

[umilm@ukm.edu.my](mailto:umilm@ukm.edu.my)

**Mohd Faizulamri Mohd Saad**

Universiti Kebangsaan Malaysia

[faizam@ukm.edu.my](mailto:faizam@ukm.edu.my)

**Hamdi Ishak**

Universiti Kebangsaan Malaysia

[hamdi@ukm.edu.my](mailto:hamdi@ukm.edu.my)

**Mohd Nasir Abd Majid**

Universiti Sains Islam Malaysia

[nasirmajid08@usim.edu.my](mailto:nasirmajid08@usim.edu.my)

**Mohd Remy Rozainy Mohd Arif Zainol**

Universiti Sains Malaysia

[ceremy@usm.my](mailto:ceremy@usm.my)

**Ameer Areff Iskandar Bin Mohd Azhar**

Universiti Kebangsaan Malaysia

[P111440@siswa.ukm.edu.my](mailto:P111440@siswa.ukm.edu.my)

## ABSTRAK

Mashaf al-Quran al-Karim merupakan kitab suci umat Islam yang wajib dihormati tidak kira ia masih baru atau sudah tidak boleh digunakan lagi. Pelbagai usaha yang dilakukan bagi memelihara kesucian al-Quran sejak zaman Rasulullah dan kemudian telah diwarisi sehingga ke hari ini. Kebelakangan ini, terdapat segelintir masyarakat cuba melupuskan bahan terbitan al-Quran dengan cara membakar walaupun pada hakikatnya bertentangan dengan peraturan. Namun begitu, hal ini boleh menimbulkan pelanggaran etika atau adab dalam melupuskan al-Quran dan kekeliruan dalam masyarakat Islam serta penghinaan terhadap kesucian al-Quran. Rentetan daripada ini, permasalahan ini perlu diambil perhatian oleh semua pihak supaya perkara ini dapat dibendung bersama. Oleh itu, kaedah dan tatacara perlu selari dengan fatwa semasa dan terkini dalam pelupusan teks al-Quran dan bahan penerbitan al-Quran supaya dapat dielakkan berlakunya pelanggaran etika atau adab dalam pelupusan ini. Artikel ini bertujuan untuk membincangkan mengenai kaedah dan metode pelupusan al-Quran dan bahan terbitan al-Quran menurut perspektif Islam dan garis panduan yang selari dengan fatwa semasa. Kajian ini juga menjelaskan isu yang timbul dalam pelupusan bahan terbitan al-Quran. Metode kajian ini menggunakan menerusi metode analisis dokumen dari sumber-sumber perpustakaan berkaitan. Dapatan dan perbincangan kajian dianalisis secara deskriptif.

*Kata kunci: Metodologi; Pelupusan; Teks al-Quran; Bahan Penerbitan al-Quran.*

## ABSTRACT

*As the Quran is the Scripture of the Muslims, so its mushaf should be honoured, regardless of whether it is new or whether it can no longer be read or studied. Since the time of the Prophet Muhammad, many attempts have been made to protect the purity of the Quran, and these efforts have been passed down through the generations. Recently, some people have attempted to dispose of Quranic material by burning it, despite the fact that this is against the rules. However, this might result in errors in the disposition of the Quran, uncertainty among the Muslim community, and even scorn for the sanctity of the Quran, depending on the circumstances. This is a problem that needs to be addressed by all people involved in order for it to be resolved as a group. As a result, in order to avoid any deviation from the current and current fatwa regarding the disposal of the Quranic*

*text and the publication of the Quran, the techniques and procedures used must be in accordance with the current and current fatwa. With the help of Islamic perspectives and rules, and in accordance with the current fatwa, this article seeks to examine several disposition ways for the Quran and its material, as well as the methods of disposition for the Quran. This research also addresses the challenges that arise while dealing with the disposal of Quranic material. This research approach makes use of document analysis methods on appropriate library resources to gather information. The findings and discussion of the study were described in detail in the descriptive analysis.*

*Keywords: Methodology; Disposal; Quranic Text; Quranic Publication Material; Guideline.*

## PENGENALAN

Memuliakan dan menghormati kesucian al-Quran merupakan suatu ibadah yang wajib seluruh umat Islam teladani. Pada akhir-akhir ini muncul suasana yang sedemikian menggembirakan, yaitu gejala munculnya kegiatan memelihara al-Quran. Kitab suci itu mestilah dihormati, dipelihara, dan diamankan isi kandungannya, maka masyarakat akan menjadi damai, tenteram, dan akhirnya akan membuahakan kehidupan yang sejahtera. Sekiranya al-Quran dijadikan pegangan hidup maka yang bersangkutan tidak saja akan selamat di dunia tetapi juga di akhirat kelak (H. Imam Suprayogo, 2016). Allah telah menjanjikan dan memberi jaminan sepenuhnya bahawa al-Quran tetap kekal isi kandungannya terpelihara sehingga ke hari kiamat daripada sebarang pengubahhan sebagaimana firman-Nya dalam surah al-Hijr:

إِنَّا نَحْنُ نَزَّلْنَا الذِّكْرَ وَإِنَّا لَهُ لَحَافِظُونَ

Maksudnya: *Sesungguhnya Kamilah yang menurunkan Al-Quran dan Kamilah yang memelihara dan menjaganya.*

Menurut Abdul Rahman (2009) menjelaskan mengenai surah di atas bukanlah menunjukkan bahawa umat Islam tidak perlu untuk melakukan sebarang usaha di dalam pemeliharaan al-Quran. Hal ini kerana, manusia adalah khalifah Allah SWT di muka bumi yang merupakan pemegang segala amanah Allah SWT. Oleh sebab itu, sebagai hamba Allah SWT, umat Islam dipertanggungjawabkan untuk memelihara kesucian al-Quran. Allah SWT juga telah memelihara kitab suci-Nya dengan pelbagai cara (Ab Gani & Ahmad, 2019). Ia juga terjaga dengan suci dan bersih tersimpan di dada para

hufaz, diulang cetak, diteliti setiap penulisannya dan pelbagai lagi usaha yang telah dilakukan demi menjaga kesuciannya.

Pelbagai usaha yang telah dikerah dalam menyelesaikan kekeliruan dalam masyarakat Islam terhadap bahan al-Quran yang perlu dilupuskan serta cabaran yang dihadapi oleh semua pihak. Pertubuhan-pertubuhan dan badan-badan kerajaan telah melaksanakan inisiatif dengan membina akta dan garis panduan bagi membendung kekeliruan berkaitan kaedah pelupusan al-Quran dan bahan ayat suci al-Quran mengikut tatacara yang betul dan berlandaskan hukum syarak. Hal ini juga bagi mengelak berlakunya fitnah dan penghinaan terhadap ayat suci al-Quran.

### **Isu dan Masalah Pelupusan Mashaf Al-Quran**

Kebelakangan ini, masalah pelupusan al-Quran menjadi topik hangat apabila segelintir pihak menggunakan bahan terbitan al-Quran yang rosak untuk tujuan perniagaan. Nur Sailawati melaporkan dalam akhbar bahawa sebuah kilang di negara jiran dianggap tidak menjaga sensitiviti umat Islam apabila menggunakan helaian kertas dipercayai diambil daripada buku teks pendidikan agama Islam yang mengandungi ayat suci al-Quran dan hadis untuk dijadikan pelapik padabahagian dalam alas kaki yang dihasilkan. Pada tahun yang sama, Jabatan Hal Ehwal Agama Terengganu (JHEAT) turut memaklumkan bahawa sebuah pasar raya dan sebuah kedai menjual alas kaki yang mengandungi ayat al-Quran (Iffah, 2016).

Selain itu, Norizan Shamsuddin (2016) melaporkan dalam akhbar bahawa pemilik sebuah premis menjual kitab agama melakukan pembakaran al-Quran yang dimakan anai-anai secara terbuka di Subang Jaya. Walaupun tujuan tersebut untuk melupuskan al-Quran yang rosak, namun ia mestilah dilakukan di kawasan yang terkawal yang jauh dari pandangan masyarakat supaya dapat mengelakkan unsur penghinaan dan salah faham. Begitu juga, pembakaran al-Quran ini perlu dikawal selia oleh pihak yang dipertanggungjawabkan dalam pelupusan ini (Jabatan Kemajuan Islam Malaysia, 2015).

### **METODOLOGI KAJIAN**

Objektif kajian ini adalah untuk membincangkan mengenai kaedah pelupusan teks al-Quran dan bahan terbitan al-Quran mengikut garis panduan yang selari dengan fatwa semasa. Instrumen pengumpulan data kajian adalah menerusi metode analisis dokumen dari sumber-sumber primer dan sekunder yang berkaitan. Dapatan dan perbincangan kajian dianalisis secara deskriptif. Subjek kajian adalah dibataskan kepada tinjauan penerbitan

dan penyebaran mushaf al-Quran di Malaysia. Dapatan dan perbincangan kajian difokuskan sebagaimana berikut.

### **DAPATAN DAN PERBINCANGAN KAJIAN**

Mohammad Nazri Dewa mengatakan membaca al-Quran dengan betul bererti seseorang memelihara ketepatan wahyu Allah S.W.T sejak diturunkan kepada Nabi Muhammad S.A.W hingga sekarang. Beliau menjelaskan apabila wahyu diturunkan, sahabat Rasulullah S.A.W akan pergi menemui baginda untuk mendengar firman Allah S.W.T dan bertalaqi secara langsung. Apabila mendapat wahyu, baginda akan meminta sahabat penulis seperti Muawiyah ibnu Abu Sufian dan Zaid ibnu Thabit menulisnya pada pelepah tamar atau kulit haiwan (Hassan, 2019). Penghormatan ayat suci al-Quran dan hadis merupakan sebahagian daripada lambang keimanan seseorang. Zulkifli Mohamad al-Bakri mengatakan bahawa walaupun cebisan ayat-ayat itu terdapat pada akhbar atau surat yang sudah lusuh, ia perlu dihormati. Memelihara al-Quran dengan baik termasuk menjaga bacaannya mengikut cara bacaan sebenar menjadi sunnah yang sepatutnya dikuasai umat Islam (null, 2019).

### **Pelupusan Mashaf Al-Quran Menurut Perspektif Islam**

Di Malaysia, tidak timbul sebarang isu mengenai kaedah pelupusan mushaf al-Quran. Namun, masih terdapat segelintir pihak yang melupuskan mushaf al-Quran tidak mengikut prosedur dalam garis panduan pelupusan teks al-Quran. Satu garis panduan di peringkat kerajaan pusat telah dibangunkan oleh Muzakarah Jawatankuasa Fatwa sebagai panduan dalam mengendalikan al-Quran dan bahan bercetak dengan teks al-Quran untuk dilupuskan. Justeru tidak hairanlah semua negeri di Malaysia telah menggunakan kaedah tersebut setelah sekian lama.

Menurut Zulkifli Mohamad al-Bakri memberikan pandangan bahawa empat imam mazhab mengenai kaedah pelupusan mashaf iaitu mazhab Syafie dan Maliki berpendapat bahawa hendaklah bakar mashaf tersebut bersandarkan arahan dan tindakan Saidina Uthman Ibn Affan. Manakala mazhab Hanbali dan Hanafi berpandangan mashaf tersebut perlu ditanam sebagaimana orang Islam mati. Dalam pada itu, terdapat khilaf mengenai kaedah melupuskan mashaf sama ada bakar atau tanam. Oleh itu, beliau mentarjihkan pandangan tersebut diharuskan kedua-duanya kerana ia bermatlamat untuk memuliakan al-Quran atau mashaf. Perbuatan sahabat seperti Saidna Uthman yang merupakan ijtihad daripadanya dan juga selepas itu tidak diingkari oleh mana-mana sahabat menjadi hujah yang kuat

kepada perbuatan tersebut untuk mengharuskan pembakarannya (Mohamad al-Bakri, 2015, 2020).

### Pembakaran

Di antara kaedah yang telah yang disarankan oleh para ulama adalah dengan membakarnya. Hal ini berpandukan dengan apa yang dilakukan oleh Saidina Uthman bin Affan R.A ketika proses pengumpulan al-Quran bahawa dia telah memerintahkan untuk mengumpul mashaf yang dimansukhkan dan membakarnya bertujuan menjaga kesucian al-Quran. Hal tersebut sebagaimana yang diriwayatkan oleh Anas Bin Malik R.A:

أن عثمان بن عفان رضي الله عنه: أَمَرَ زَيْدَ بْنَ ثَابِتٍ ، وَعَبْدَ اللَّهِ بْنَ الزُّبَيْرِ ، وَسَعِيدَ بْنَ الْعَاصِ ، وَعَبْدَ الرَّحْمَنِ بْنَ الْحَارِثِ بْنِ هِشَامٍ ، فَنَسَخُوهَا فِي الْمَصَاحِفِ ، وَقَالَ عُثْمَانُ لِلرَّهْطِ الْقُرَشِيِّينَ الثَّلَاثَةِ: إِذَا اخْتَلَفْتُمْ أَنْتُمْ وَزَيْدُ بْنُ ثَابِتٍ فِي شَيْءٍ مِنَ الْقُرْآنِ فَارْتَبِعُوا بِلِسَانِ قُرَيْشٍ ، فَإِنَّمَا نَزَلَ بِلِسَانِهِمْ ، فَفَعَلُوا ، حَتَّى إِذَا نَسَخُوا الصُّحُفَ فِي الْمَصَاحِفِ رَدَّ عُثْمَانُ الصُّحُفَ إِلَى حَفْصَةَ ، وَأَرْسَلَ إِلَى كُلِّ أَقْصَى بِمُصْحَفٍ بِمَا نَسَخُوا وَأَمَرَ بِمَا سِوَاهُ مِنَ الْقُرْآنِ فِي كُلِّ صَحِيفَةٍ أَوْ مُصْحَفٍ أَنْ يُحْرَقَ. قَالَ ابْنُ شِهَابٍ وَأَخْبَرَنِي خَارِجَةُ بِنْتُ زَيْدِ بْنِ ثَابِتٍ، سَمِعَ زَيْدُ بْنُ ثَابِتٍ، قَالَ فَقَدْتُ آيَةً مِنَ الْأَحْزَابِ حِينَ نَسَخْنَا الْمُصْحَفَ قَدْ كُنْتُ أَسْمَعُ رَسُولَ اللَّهِ صَلَّى اللَّهُ عَلَيْهِ وَسَلَّمَ يَقْرَأُ بِهَا فَالْتَمَسْنَاهَا فَوَجَدْنَاهَا مَعَ حُرْمَةَ بْنِ ثَابِتِ الْأَنْصَارِيِّ {مِنَ الْمُؤْمِنِينَ رَجَالَ صَدَقُوا مَا عَاهَدُوا اللَّهَ عَلَيْهِ} فَأَلْحَقْنَاهَا فِي سُورَتِهَا فِي الْمُصْحَفِ.

### Maksudnya:

*Sesungguhnya Uthman bin Affan R.A memerintahkan Zaid bin Thabit, Abdullah bin al-Zubair, Sai'd bin al-'As dan 'Abd al-Rahman bin al-Harith bin Hisyam supaya menulis semula dalam bentuk salinan mushaf yang sempurna, Uthman berkata kepada tiga orang lelaki Quraish: Jika Zaid bin Thabit dan kalian bertiga berselisih tentang al-Quran, maka tulislah dengan bahasa Quraish, sesungguhnya al-Quran diturunkan dengan bahasa mereka, lalu mereka melakukannya, sehingga penyalinan selesai dan Uthman mengembalikannya kepada Hafsa. Setelah itu, Uthman mengirimkan sejumlah suhuf yang telah disalin ke seluruh penjuru negeri kaum Muslimin, dan memerintahkan untuk membakar al-Quran yang terdapat pada selain suhuf tersebut. Ibn Shihab berkata: Kharijah ibn Zayd telah mengkhabarkan kepadaku bahwa ia mendengar Zayd ibn Thabit berkata: "Kami kehilangan satu ayat dari Surah al-Ahzab saat kami menyalinnya, yang sungguh aku telah mendengarnya langsung dari Rasulullah SAW saat beliau membacanya. Lalu kami pun mencarinya, dan ternyata kami menemukannya pada Khuzaymah ibn Thabit al-Ansari. Yakni ayat, مَا عَاهَدُوا اللَّهَ عَلَيْهِ. Maka kami pun menggabungkannya di dalam mashaf (al-Bukhari, Sahih al-Bukhari, Kitab Fada'il al-Quran, Bab Jam' al-Quran).*

Berdasarkan riwayat tersebut, Saidina Uthman Affan membakar mashaf-

mashaf lain itu berdasarkan kalimah ‘*yuhraq*’ iaitu membakar dengan tujuan menyatukan umat Islam daripada pepecahan dan perbalahan. Merujuk kitab Fathul Bari mentarjih berdasarkan hadis di atas dengan memberi tiga pandangan iaitu pertama, riwayat al-Marwazi melupuskan dengan cara bakar. Kedua, riwayat al-Ashili melupuskan dengan cara carik atau koyak dan ketiga riwayat al-Isma’ili perlu dilupuskan dengan bakar secara keseluruhannya (Al-Asqalani & Baz, 2003).

Imam Badr al-‘Aini dalam mensyarahkah hadis di atas menukulkan pandangan Ibn Battal dengan menyatakan:

فِي هَذَا الْحَدِيثِ جَوَازُ تَحْرِيقِ الْكُتُبِ الَّتِي فِيهَا اسْمُ اللَّهِ، عَزَّ وَجَلَّ، بِالنَّارِ وَإِنْ ذَلِكَ إِكْرَامٌ لَهَا وَصَوْنٌ عَنْ وَطْئِهَا بِالْأَقْدَامِ، وَقِيلَ: هَذَا كَانَ فِي ذَلِكَ الْوَقْتِ، وَأَمَّا الْآنَ فَالْغَسْلُ إِذَا دَعَتِ الْحَاجَةُ إِلَى إِزَالَتِهِ.

Maksudnya:

*Pada hadis ini menyatakan harus membakar kitab yang terdapat padanya nama Allah SWT dengan api kerana memuliakannya dan menjaganya daripada dipijak. Pada pandangan yang lain menyatakan: pendapat ini merupakan pada masa itu, ada pun pada masa sekarang, maka dengan membasuhnya apabila berhajat untuk menghilangkan tulisannya.*

Imam Khatib al-Syirbini mengatakan bahawa makruh membakar al-Quran tanpa tujuan melainkan tujuan untuk menjaga kesuciannya (Ahmad al-Khathib al-Syarbini, 1997).

وَيُكْرَهُ إِحْرَاقُ حَشَبٍ نُقِشَ بِالْقُرْآنِ إِلَّا إِنْ فَصِدَ بِهِ صَيَانُهُ الْقُرْآنَ فَلَا يُكْرَهُ كَمَا يُؤْخَذُ مِنْ كَلَامِ ابْنِ عَبْدِ السَّلَامِ وَعَلَيْهِ يُحْمَلُ تَحْرِيقُ عُثْمَانَ - رَضِيَ اللَّهُ عَنْهُ - الْمَصَاحِفَ.

Maksudnya:

*Dan makruh membakar kayu yang diukir padanya al-Quran melainkan dengan tujuan penyelenggaraan al-Quran, maka tidak makruh ini seperti yang diambil daripada pendapat Ibn Abd al-Salam berdasarkan perbuatan Uthman R.A yang membakar mashaf.*

Menurut al-Suyuti menyatakan beliau menerima pandangan bahawa al-Quran yang sudah lama atau terkoyak boleh dibakar asalkan niat melakukannya adalah untuk mengelakkan mashaf lama itu daripada terjatuh ke tanah lalu dipijak. Beliau juga berpegang kepada pengamalan yang dilakukan oleh Saidina Uthman (Jalaluddin al-Suyuti, 2003). Shaykh Atiyah Saqr yang merupakan salah seorang ahli Majlis Fatwa al-Azhar berpendapat membakar al-Quran adalah diharuskan jika bertujuan untuk menyelamatkannya daripada sebarang penghinaan yang merujuk pada hadis tersebut yang di atas (Saqr, 1994). Beliau menyimpulkan bahawa kaedah membakar al-Quran yang tidak digunakan adalah merupakan kaedah yang paling ringan sekali. Oleh itu, untuk memelihara dan memuliakan al-Quran

ini perlulah disertakan dengan niat untuk memuliakannya daripada ditimpa sebarang penghinaan, kejian dan perbuatan yang boleh mencemar kemuliaan al-Quran Karim.

### **Penanaman**

Menurut pandangan mazhab Hanafi dan Hanbali mengatakan bahawa al-Quran yang tidak boleh dibaca hendaklah digali dan ditanam di dalam tanah sepertimana keadaan orang Islam mati. Tambahan pula, Mufti Kelantan, Datuk Mohamad Shukri mengatakan penanaman ini perlu ditanam di kawasan yang tinggi seperti bukit atau gunung supaya bebas daripada dipijak atau laluan manusia (Muah, 2019). Selain itu, pandangan al-Fatawa al-Hindiyyah mengatakan al-Quran lama, rosak dan tidak boleh dibaca maka, diharuskan dengan cara dibungkus kain bersih dan ditanamkan di tempat yang selamat. Begitu juga pandangan Fatawa Ridawiyah yang beraliran mazhab Hanafi menyatakan membakar al-Quran lama adalah tindakan yang tidak menghormati dan bukan kaedah yang baik dalam pelupusan (Kalim & Faqeer Zahid Hussain Al-Qadiri, 2015). Fatawa Ridawiyah menyatakan: *“tidak boleh membakar al-Quran seperti yang dinyatakan dalam al-Durr al-Mukhtar. Sebaliknya, ia harus ditanam di tempat yang selamat di mana orang tidak akan memijaknya.”*

### **Rendaman**

Kaedah rendaman ialah proses tersebut merujuk kepada proses pemisahan tinta dan bahan bukan serat daripada kertas. Dalam konteks pelupusan al-Quran proses menghilangkan dan mengasingkan tulisan pada kertas. Apabila dakwat atau tulisan sudah hilang, maka hilang sifat al-Quran pada kertas tersebut (Idrus, 2012). Menurut Abdul Hayei, kaedah pelupusan terbaik bagi menyelesaikan al-Quran yang tersalah cetak hendaklah direndam bahan itu ke dalam air yang bersih supaya tulisannya hilang dan kembali menjadi kertas biasa. Air basuhan tersebut hendaklah dibuang di tempat-tempat yang sesuai seperti di laut atau sungai-sungai besar (Abdul Hayei, 2003).

Mesyuarat Jawatankuasa Fatwa Negeri Selangor kali ke-4 telah membincangkan mengenai Fatwa Pelupusan Al-Quran dan Bahan Cetakan Agama Berteknologi Hijau Melalui Proses Deinking memutuskan bahawa harus melupuskan al-Quran dan bahan cetakan agama melalui proses ‘deinking’ (Selangor, 2015). Pada Mac 2016, Jawatankuasa Fatwa Negeri Johor memutuskan kaedah untuk melupuskan bahan terbitan yang mengandungi ayat-ayat al-Quran dan hadis adalah dengan cara melalui proses berteknologi hijau yang dikenali sebagai “deinking” (Zabidi & Kusnin, 2019).

Zulkifli al-Bakri menerangkan bahawa proses deinking merupakan kepada proses pemisahan tinta dan bahan bukan serat daripada kertas. Proses ini adalah satu proses industri pengasingan dakwat cetakan dari kertas kitar semula untuk menghasilkan 'Deinked Pulp' di dalam industri pembuatan kertas. Kunci di dalam proses 'deinking' ini adalah keupayaannya untuk mengasingkan dakwat yang terlekat pada kertas cetakan. Ianya terhasil dengan gabungan tindak balas mekanikal dan bahan kimia (Pejabat Mufti Wilayah Persekutuan, 2019). Mengikut hukum fiqh (mazhab syafie dan ulamak muktabar), kaedah pelupusan al-Quran adalah seperti berikut:

1. Al-Quran atau cebisan yang salah mestilah dimuliakan, tidak diletak merata-rata, dilangkah atau diletak di tempat yang kotor.
2. Mestilah hilang tulisan tersebut secara keseluruhannya dan sempurna hilangnya.
3. Bahan yang terhasil dari proses tersebut hendaklah dilupuskan dengan sempurna.

### **Pelupusan Mashaf Al-Quran dan Bahan Penerbitan Islam**

Antara ciri-ciri al-Quran yang perlu dilupuskan adalah ia terdedah kepada berlakunya dua faktor iaitu faktor semula jadi dan faktor mendatang. Faktor semula jadi adalah seperti proses pereputan dan pengoksidaan. Manakala faktor mendatang adalah seperti rosak, terkoyak, usang dan sebagainya (Zabidi & Kusnin, 2019). Dalam keadaan tersebut, mashaf dan bahan penerbitan al-Quran tidak dapat dirujuk malah tidak dapat dibaca atau apatah lagi hendak dibaca dengan betul akibat terdedah dengan kerosakan. Oleh itu, ia perlu dilupuskan dengan mengikut prosedur dan hukum berdasarkan garis panduan yang ditetapkan.

### **Pelupusan Mashaf Al-Quran**

Berdasarkan perbincangan para ulama mengenai perkara ini, Majlis Kebangsaan Bagi Hal Ehwal Ugama Islam Malaysia kali ke-30 telah bersidang pada 22 Ogos 1992 dan memutuskan bahawa:

1. Al-Quran yang rosak, koyak, yang tidak lagi boleh dibaca dan yang bukan Rasm Uthmani hendaklah dilupuskan.
2. Kaedah pelupusan ialah dibakar di tempat yang dikawal dan ditanam di tempat yang dikawal.
3. Kerja-kerja pelupusan hendaklah dipertanggungjawabkan kepada urus setia atau Majlis dan Jabatan Agama Islam Negeri-negeri serta dilakukan dengan cara tersembunyi demi mengelakkan salah faham orang ramai.

Kemudian selepas dibakar, abu al-Quran tersebut dikumpulkan dan dibataskan bagi tujuan dibuang ke dalam laut. Tujuan dibataskan adalah bagi

mengelakkan debu al-Quran bertaburan di udara semasa pembuangan abu di laut. Proses pembuangan abu al-Quran ke dalam laut lebih selamat dan mudah jika dibandingkan dengan cara tanam yang memerlukan kawasan tinggi supaya tiada sesiapa atau makhluk yang melangkah atau pijak. Walau bagaimanapun, abu itu masih ada penghormatannya sebagai al-Quran. Apa-apa tindakan yang hendak diambil adalah terus mengekalkan penghormatan al-Quran itu walaupun, ia sudah menjadi abu. Hanya sifat sahaja yang berubah tetapi penghormatan padanya kekal dan tidak berubah. Ia masih lagi perlu dipelihara (Mohamad Shukri, 2019). Sebagaimana firman Allah SWT:

لَا يَمَسُّهُ إِلَّا الْمُطَهَّرُونَ

Maksudnya: *"Tidak ada yang menyentuhnya selain hamba-hamba yang disucikan."*

### **Pelupusan Penerbitan Islam**

Dalam konteks pelupusan bahan penerbitan Islam selain mashaf, ia hendaklah dilupuskan secara berasingan daripada bahan-bahan lain, serta dilarang menggunakannya semula bagi apa-apa tujuan sekalipun (Jabatan Kemajuan Islam Malaysia, 2015). Tatacara untuk melupuskan bahan penerbitan Islam sama seperti pelupusan mashaf al-Quran iaitu dibakar di tempat yang terkawal dan ditanam di tempat yang terkawal. Walaubagaimana pun, garis panduan JAKIM menyentuh kaedah secara umum yang dituju kepada pihak tertentu seperti premis jualan mashaf, premis penerbitan al-Quran dan sebagainya.

Selain pelupusan bahan mengandungi ayat al-Quran, ada juga pelupusan yang bersumberkan buku-buku teks Pendidikan Islam (Jabatan Kemajuan Islam Malaysia, 2015). Muzakarah Jawatankuasa Fatwa Kebangsaan kali ke-69 yang bersidang pada 13 hingga 15 Jun 2005 dan Mesyuarat Jawatankuasa Perunding Hukum Syarak (FATWA) Negeri Selangor kali ke-5/2005 yang bersidang pada 6 September 2005 telah memutuskan bahawa pelupusan buku-buku teks Pendidikan Islam dengan cara kitar semula diharuskan dengan syarat:

1. Kerja-kerja mengitar semula buku-buku teks Pendidikan Islam hendaklah dilakukan oleh syarikat-syarikat yang dimiliki oleh orang Islam.
2. Pekerja yang terlibat dalam proses kitar semula hendaklah terdiri daripada orang Islam.
3. Kertas dan buku teks Pendidikan Islam yang dikitar semula hendaklah tidak digunakan untuk membuat bahan yang tidak sesuai seperti kertas tandas dan sebagainya.

4. Bahan-bahan kimia yang digunakan dalam proses kitar semula hendaklah tidak mengandungi bahan najis.

Sebagai contoh, beberapa institusi pendidikan seperti sekolah yang melaksanakan pelupusan bahan terbitan al-Quran yang lain seperti yang dilaporkan oleh Syamilah Zulkifli dalam akhbar bahawa Sekolah Kebangsaan Puteri di Seremban, Negeri Sembilan mengambil inisiatif menyediakan tapak pelupusan bahan mengandungi teks al-Quran dengan menggunakan batu sekam padi. Inisiatif tersebut diambil selepas pihaknya mengikuti Bengkel Pelupusan Al-Quran yang dianjurkan Jabatan Hal Ehwal Agama Islam Negeri Sembilan (JHEAINS) pada tahun lepas. Proses pelupusan ini dilakukan dengan mengoyak helaian menjadi kecil dan kemudian dibakar. Selepas dibakar, abu tersebut ditanam di tempat yang dikawal supaya ia terus dipelihara (Zulkifli, 2020)

Nurul Jannah telah mencadangkan garis panduan komprehensif baru bagi melupuskan bahan penerbitan Islam menerusi kaedah teknologi hijau. Kaedah lestari lain untuk membuang bahan sastera Islam juga dikenali iaitu kitar semula. Berdasarkan pemahaman ayat-ayat al-Quran, hadis dan athar para sahabat, bersama dengan fatwa dan perbincangan yang dikaji di bawah al-masalih al-mursalah, panduan baru juga telah disusun kembali (Zainan Nazri et al., 2017). Langkah-langkah untuk mengitar semula bahan penerbitan Islam adalah seperti berikut:

1. Seseorang harus mengenal pasti syarikat atau pusat pengumpulan yang menyediakan perkhidmatan mengitar semula bahan sastera Islam termasuk mashaf.
2. Proses mengitar semula mashaf mesti dilakukan secara berasingan daripada kitar semula bahan sastera Islam.
3. Mengusahakan kitar semula bahan-bahan mashaf dan sastera Islam sebaiknya dilakukan oleh syarikat milik orang Islam.
4. Pekerja yang terlibat dalam proses kitar semula hendaklah terdiri daripada orang Islam.
5. Bahan sastera Islam yang dikitar semula tidak boleh digunakan untuk membuat bahan lain yang tidak sesuai, seperti kertas tandas, surat khabar dan sebagainya.

Di samping itu, sekiranya individu atau pihak bertindak mengingkari, melanggar atau mempertikai arahan atau perintah ketua agama Islam yang diberikan melalui fatwa adalah dikira melakukan suatu kesalahan. Menurut Zaini Nasohah menyatakan apabila disabitkan kesalahan, ia boleh didenda tidak melebihi RM3000 atau dipenjarakan selama tempoh tidak melebihi 2 tahun atau kedua-duanya (Nasohah, 2005; Undang-Undang Malaysia, 2008). Selain itu, mana-mana individu yang menyebarkan pendapat tentang ajaran Islam,

hukum syarak atau apa-apa isu yang bertentangan dengan mana-mana fatwa dianggap melakukan suatu kesalahan. Jika disabitkan ia boleh didenda tidak melebihi RM3000 atau penjara tidak melebihi 2 tahun atau kedua-duanya sekali.

## KESIMPULAN

Al-Quran merupakan sumber yang mesti dihormati dan dimulia walaupun fizikal padanya sudah lama atau sudah rosak. Apabila kerosakan itu berlaku sehingga sukar untuk dibaca malah tidak dapat dibaca, maka mestilah dikumpul dan dilupuskan dengan niat untuk memelihara dan menjaga tulisan atau ayat suci al-Quran daripada dipijak atau dilangkah. Penghormatan terhadap mashaf al-Quran tetap kekal dan tidak berubah walaupun mashaf sudah dilupus menjadi abu. Oleh itu, abu al-Quran perlulah diletakkan atau dibuang di tempat yang tidak boleh dilangkah seperti bukit atau di laut. Kaedah pembakaran adalah cara yang terbaik dan sesuai kerana dapat mengelakkan salah faham dari sudut qiraat atau bacaan ayat suci al-Quran sepertimana yang diriwayatkan oleh Imam Bukhari. Fatwa pada masa kini mengambil ijtihad Saidina Uthman untuk melindungi dan memelihara ayat suci al-Quran.

## PENGHARGAAN

Artikel ini merupakan sebahagian dari hasil penyelidikan di bawah geran FRGS, Kementerian Pendidikan Tinggi. Kod Pengajian: FRGS/1/2020/SS10/UKM/02/07.

## RUJUKAN

- Al-Hijr. (n.d.). In *Al-Quran Al-Karim* (Vol. 9, p. 262).
- Al-Waqi'ah. (n.d.). In *Al-Quran Al-Karim* (Vol. 56, p. 537).
- Ab Gani, S. A., & Ahmad, M. N. (2019). Proses pengurusan pelupusan teks-teks al-Qur'an di Jabatan Agama Islam Negeri Johor: Peranan pihak yang bertanggungjawab dan permasalahannya. *International Journal Od West Asian Studies*, 11(1), 45–57. <https://doi.org/10.5895/ijwas.2019.01.01.05>
- Abdul Sukor, A. H. (2003). *Islam & manusia : 1001 kemusykilan* (Jilid 1). Zebra Editions Sdn. Bhd.
- Ahmad al-Khatib al-Syirbini, S. M. (1997). *Mughni al-Muhtaj Ila Ma'rifati*

- Ma'ani alFadhi al-Minhaj*. Daar Al-Ma'rifah.
- Al-Asqalani, I. H., & Baz, A. A. A. (2003). *Fathul Baari: Penjelasan Kitab Shahih Bukhari* (Abu Rania & Titi Tartilah (eds.); Cetakan 1. Pustaka Azzam.
- Al-Bukhari, Abu Abd Allah Muhammad ibn Ismail. (2008). *al-Jami' al-Sahih al-Bukhari*. Jiddah: Dar al-Minhaj.
- H. Imam Suprayogo. (2016). *Memuliakan Al Qur'an*. UIN Maulana Malik Ibrahim Malang. <https://www.uin-malang.ac.id/r/161001/memuliakan-al-qur-an.html>
- Hassan, H. (2019). *Membaca al-Quran ikut cara Nabi saw*. BH Online. <https://www.bharian.com.my/rencana/agama/2019/11/631552/membaca-al-quran-ikut-cara-nabi-saw>
- Idrus, A. (2012). *Cara melupus al-Quran*. Youtube. <https://www.youtube.com/watch?v=10ksUs4nYUs>
- Iffah, Z. (2016). *Sangat biadab!* Harian Metro. <https://api.hmetro.com.my/mutakhir/2016/12/186182/sangat-biadab>
- Jabatan Kemajuan Islam Malaysia. (2015). *Garisan panduan pembuatan, pengendalian, penjualan dan pelupusan ayat suci al-Quran: Vol. Bilangan 2* (Fm Security Printer Sdn. Bhd (Ed.); Cetakan Ke). Jabatan Kemajuan Islam Malaysia.
- Jabatan Kemajuan Islam Malaysia. (2015). *Kompilasi pandangan hukum: Muzakarah Jawatankuasa Fatwa Majlis Kebangsaan bagi Hal Ehwal Ugama Islam Malaysia* (Crystal Creative Empire (Ed.); Cetakan Ke). Jabatan Kemajuan Islam Malaysia: Bahagian Pengurusan Fatwa.
- Jalaluddin al-Suyuti. (2003). *al-Itqan fi 'Ulum al-Quran*. Dar al-Kutub al-'Ilmiyyah.
- Kalim, M., & Faqeer Zahid Hussain Al-Qadiri. (2015). *Correct method of disposing Islamic literature. The sunni way*. <https://www.thesunniway.com/articles/item/285-correct-method-of-disposing-islamic-literature>
- Mohamad al-Bakri, Z. (2015). *Irsyad Al-Fatwa Ke-17: Kaedah pelupusan al-Quran Yang rosak akibat banjir*. Pejabat Mufti Wilayah Persekutuan. <https://muftiwp.gov.my/artikel/irsyad-fatwa/irsyad-fatwa-umum/2056-17>
- Mohamad al-Bakri, Z. (2020). *Irsyad Al-Fatwa Siri Ke-533 Bagaimanakah kaedah pelupusan abu al-Quran*. Pejabat Mufti Wilayah Persekutuan. <https://muftiwp.gov.my/artikel/irsyad-fatwa/irsyad-fatwa-umum/4624-irsyad-fatwa-siri-ke-533-bagaimanakah-kaedah-pelupusan-abu-al-quran>

- Muah, N. (2019). *Cara terhormat lupus al-Quran*. Sinar Harian. <https://www.sinarharian.com.my/article/27355/LIFESTYLE/Sinar-Islam/Cara-terhormat-lupus-al-Quran>
- Nasohah, Z. (2005). Undang-undang penguatkuasaan fatwa di Malaysia. *Islamiyyat*, 27(1), 25–44. <https://www.researchgate.net/publication/237600975>
- Pejabat Mufti Wilayah Persekutuan. (2019). *Fatwa berkenaan pelupusan al-Quran dan bahan cetakan agama berteknologi hijau melalui proses 'deinking'*.
- Selangor, J.A.I.N. (2015). *Fatwa pelupusan al-Quran dan bahan cetakan agama berteknologi hijau melalui proses 'deinking'*. <http://dx.doi.org/10.1016/j.bpj.2015.06.056%0A>  
<https://academic.oup.com/bioinformatics/article-abstract/34/13/2201/4852827%0Ainternal-pdf://semisupervised-3254828305/semisupervised.ppt%0Ahttp://dx.doi.org/10.1016/j.str.2013.02.005%0Ahttp://dx.doi.org/10.10>
- Saqr, Atiyyah. (1994). *Ahsanul Kalam fil Fatwa wal Ahkam*. Darul Al-Arabi.
- Sinar Harian. (2019). *Hormati ayat al-Quran, hadis lambang keimanan seseorang*. Sinar Harian. <https://www.sinarharian.com.my/article/27391/LIFESTYLE/Sinar-Islam/menghormati-ayat-al-Quran-dan-hadis-merupakan-sebahagian-daripada-lambang-keimanan-seseorang>
- Undang-Undang Malaysia. (2008). *Akta Pencetakan Teks Al-Qur'an 1986*. Pesuruhjaya Penyemak Undang-Undang Malaysia di Bawah Kuasa Akta Penyemakan Undang-Undang 1968. [https://www.moha.gov.my/images/maklumat\\_bahagian/PQ/AKTA326\\_APTQ.pdf](https://www.moha.gov.my/images/maklumat_bahagian/PQ/AKTA326_APTQ.pdf)
- Zabidi, T., & Kusnin, S. N. H. (2019). *Pandangan syarak mengenai pengurusan pelupusan teks atau bahan al Qur'an: Realiti aplikasi di Malaysia*. Jabatan Agama Islam Selangor.
- Zainan Nazri, N. J., Fatah Yasin, R. F., Samsudin, S., & Ghazali, N. A. (2017). Cyclic process approach for disposing islamic literature material in Malaysia: A Study. *The European Proceedings of Social & Behavioural Sciences*, 895–901. <https://doi.org/10.15405/epsbs.2018.12.03.91>
- Zulkifli, S. (2020). *Sekolah rendah pertama NS sedia tapak pelupusan teks al-Quran*. Sinar Harian. <https://www.sinarharian.com.my/article/65148/EDISI/Melaka-NS/Sekolah-rendah-pertama-NS-sedia-tapak-pelupusan-teks-al-Quran>